

նր: Թէեւ դաշտային գօտին իր ներկայ սահմանափակ վիճակում իսկ կազմում է արդէի Հայաստանի տնտեսական կարողութեան գլխաւոր յենարանը, նրա շտեմարանը, բայց եւ այնպէս խիստ համեստ է նրա բացարձակ նշանակութիւնը անգամ Հայաստանի ներկայ սահմաններում, քանի որ իր տարածութեամբ հազիւ նրա ամբողջութեան 1/5 է կազմում:

Երբ մենք խօսում ենք Հայաստանի հողային ֆոնդի մասին, որ ինքնին գերագոյն աղաքակն է նրա պետական եւ ազգային բարգաւաճման, մոռնալու չենք մի յոյժ կարեւոր պարագայ եւս:

Այն է՝ Հայաստան տէր չէ մինչեւ իսկ այն փոքրիկ տարածութեան (30,000 քառ. քրմ.), որ մարդիկ եւ պատմութիւնը այսօր բաժին են թողել նրան: Խնդիրը մեր երկրի արօտավայրերի մասին է:

Ճիշդ է, աշխարհագրօրէն եւ վարչականօրէն նրանք մտնում են Հայաստանի սահմանների մէջ, բայց փաստօրէն նրանց վրայ առնուազն նոյն չափով տարածւում է մեր հարեւանների — վրացիների ու մանաւանդ ալբանացիների — տնտեսական տիրապետութիւնը, որչափ Հայաստանի՝ ժողովուրդինը: Անցած ամառ, օրինակ, Հայաստանի արօտավայրերում արածուել են, համաձայն խորհրդային պաշտօնական վիճակագրութեան, գրեթէ նոյնչափ (1 1/2 միլ.) խաչներ Վրաստանից ու Ալբանիայից եկած, որչափ (1.8 միլ.) Հայաստանից:

Սոսկ տնտեսականով չեն սահմանափակւում մեր հարեւանների նկրտումները Հայաստանի արօտավայրերի վրայ: Նրանք աշխարհայ ջանքեր են թափում՝ դրա վրայ կառուցելու իրաւակա՛ն, անգամ քաղաքակա՛ն շէնք: Երբ ուրեմն խօսք է լինում Հայաստանի հողային կարողութեան մասին, անտես անելու չէ երբեք այս պարագան:

Այս եւ ուրիշ տեսակէտներից էլ ջանալու է՝ վերջ տալ ամէն տեսակէտից ժամանակավրէպ դարձած վաչկատուն խաչնարածութեանը մեր հարեւանների մօտ, եւ մանաւանդ թաթարների մօտ, որ շատ ուրիշ դժբախտութիւնների հետ միասին կոչուած է մեր երկրի առանց այն էլ խիստ սահմանափակ հողային

ֆոնդը թէկուզ մէկ մասով փաստօրէն խլելու իր բնիկ, սակաւահող ժողովուրդի ձեռից:

Այսպէս կամ այնպէս, իրականութիւնը մնում է տակաւին անփոփոխ: Եւ դեռ երբեմնայէն խօսք է լինում այն մասին, թէ Սեւանայ լիճն եւս, որ բաղդատարար աննշան տարածութիւն չէ գրաւում արդէի Հայաստանի սահմանների մէջ, նոյն կամ նման վիճակի կարող է արժանանալ, ինչ որ մեր լեռնաշխարհի արօտավայրերը:

Այսչափը Հայաստանի հողային, տարածական իրականութեան մասին: Այժմ անցնինք բնակչութեան քանակին:

III

Պէտք է ասել, որ խորհրդային-վարչական վիճակագրութիւնները շատ էլ վստահելի չեն գիտական տեսակէտից: Այդպէս են եղել նաեւ կովկասի փոխարքայութեան՝ վարչական կարգով կազմած ու հրատարակած՝ վիճակագրութիւնները:

Այդ տեսակէտից բացառութիւն էր կազմում ցարական Ռուսիոյ միակ — առաջին եւ վերջին — վիճակագրութիւնը, որ գիտական հողի վրայ կատարուեց 1897 թուականին եւ սակայն որի ամփոփումները եւ վախճանական եզրակացութիւնները հրատարակութեան տըրուեցին շատ ուշ, տարիներ յետոյ միայն:

Խորհրդային Միութիւնը եւս 1926 թուականի վերջին կազմակերպեց նման վիճակագրութիւն: Թէեւ դրա ամփոփումները ըստ հարապետութիւնների եւ երկրամասերի արդէ՛ն իսկ հրապարակուած են, բայց դեռ եւս այսօր են մնում նոյն այդ վիճակագրութեան արդիւնքները՝ ցեղային, լեզուային, կարծ՝ ազգային կազմերի տեսակէտից:

Ուրիշ խօսքով՝ մենք գիտենք արդէն, թէ համաձայն խորհրդային վերջին վիճակագրութեան, Ռուսաստանը եւ նրա բաղկացուցիչ մասերը, դրանց թւում նաեւ Անդրկովկասը ամբողջութեամբ ու նրա բաղադրիչ մասերը՝ Վրաստան, Ալբանիան եւ Հայաստան առանձին առանձին վերջրած ո՛րչափ բնակչութիւն ունին. եւ սակայն ճշգրտօրէն չգիտենք, թէ օրինակ Հայաստանի բնակչութիւնից ո՛րքանն է հայ, որքանը՝ ուրիշ ազգեր: Նոյնը նաեւ Անդրկովկասի միւս մասերի, ինչպէս նաեւ Խոր-